

# RREGULLORE E AKTIVITETEVE KOMBËTARE TË BASKETBOLLIT

SEZONI SPORTIV 2021 – 2022



## Përmbajtje

<b>Neni</b>	<b>Përshkrim</b>	<b>Faqe</b>
1	Pjesëmarrja në aktivitetet e FSHB	3
2	Aktivitetet kryesore të FSHB	4
3	Organizimi i aktiviteve	
4	Sistemi i ndeshjeve	4-5
5	Regjistrimi	5-6
6	Kontratat, levizja e lojtarëve dhe trajnerëve	6-7
7	Mosha e lojtarëve, saktësimi i moshës limit	7
8	Hedhja e shortit	8
9	Orari i ndeshjeve	
10	Detyrat e shoqatave pjesëmarrëse në aktivitete	8-10
11	Komisioni i disiplinës, protestat dhe ankesat	11
12	Paraqitja dhe sjellja e ekipeve në fushë dhe gjatë ceremonive të shpalljes së fituesve, vonesat në fillimin e lojës.	12
13	Sanksionet ndaj ekipeve, sjelljet jo sportive të publikut	12-15
14	Dënimet për sjelljet josportive të lojtarëve, trajnerëve, personave të tjerë	15-18
15	Gjyqtarët e lojës	19
16	Vëzhguesi	19-22
17	Gjyqtaria e tavolinës	21
18	Protokolli i ndeshjes	22
19	Dispozitat financiare	22-26
20	Anti-Doping	26
21	Rastet që nuk parashikohen në këtë rregullore	
22	Dispozita kalimtare	

**Qëllimi i rregullores, të udhëzojë mbi veprimtarinë basketbollistike për edicionin 2020-2021 si edhe përshkrimet disiplinore, që lindin nga mos zbatimi apo përshtatja me këtë rregullore.**

1. Kjo rregullore, ka për qëllim të rregullojë/orientojë ecurinë së aktiviteteve kombëtare të basketbollit, të detyrueshme për tu zbatuar nga çdo subjekt, që është pjesë e aktiviteteve të FSHB-së, autoriteti që ruan ekskluzivitetin e zhvillimit, mbarëvajtjes dhe përfaqësimit të aktivitetit basketbollistik në Shqipëri e më gjerë. (përshkruhet në përcaktimet e kësaj rregulloreje.)
2. Implementimi i përcaktimeve të kësaj rregulloreje, që futet në fuqi nga koha kur ajo bëhet publike tek anëtarët e saj, është kusht i domosdoshëm për mbarëvajtjen e aktivitetit basketbollistik. Rregullorja e aktivitetit, siç është bërë traditë, është sezonale, e ndryshueshme në varësi të problematikave dhe dinamikës së zhvillimit të aktivitetit. Sigurisht, gjatë sezonit në të cilin ajo është në fuqi, mund të lindin precedentë të paparshikuar, për të cilat organet përkatëse, do të marrin vendimet në përputhje me precedentët e krijuar më parë, në përputhje me rregullat që ata mund të formulonin për çështjen në fjalë.
3. Për rastin e situatave të paparshikuara në këtë rregullore, vendimet merren nga Presidenti i FSHB-së, dhe në mungesë të tij nga Sekretari i Përgjithshëm i FSHB-së.

**Neni 1 Pjesëmarrja në aktivitet e FSHB**

- 1.1 Sezoni sportiv **2021 – 2022** fillon në **2 tetor 2021** dhe përfundon deri në **qershor 2022**.
- 1.2 Aktivitetet kombëtare të basketbollit, janë të hapura për të gjithë anëtarët e F.Sh.B-së.
- 1.3 Çdo shoqatë, ka të drejtë të marrë pjesë me një skuadër në çdo kampionat sipas rezultateve dhe formulave të përcaktuara  
Para dhe gjatë fillimit të sezonit sportiv, anëtari duhet të njoftojë zyrtarisht F.Sh.B.-në mbi logon, vendin ku do të zhvillojë ndeshjet si dhe sponsorët e çdo ekipi që do të regjistrojë. Çdo shoqatë/klub është e/i detyruar të deklarojë pranë FSHB, emrat e zyrtarëve të cilët janë të autorizuar për të nënshkruar dokumentacionin zyrtar të shoqatës/klubit që do të përfaqësojnë shoqatën/klubin dhe që do të mbajnë korrespondencën zyrtare me FSHB-në.
- 1.4 Anëtarët që kërkojnë të marrin pjesë në aktivitetet kombëtare të basketbollit, duhet të paraqesin brenda afatit të përcaktuar nga F.Sh.B.-ja, dokumentacionin sipas kërkesave të saj, formularin e regjistrimit, të vulosur dhe të firmosur nga përfaqësuesi ligjor.
- 1.5 \*Në rastet kur një ekip, që ka fituar të drejtën për të qënë pjesëmarrës në Superligën meshkuj ose Kategorinë e I-rë gr.A femra, heq dorë nga kjo e drejtë (ose nuk merr pjesë), atëherë automatikisht vendin e lënë bosh e zëvendëson ekipi që është renditur më mirë në kategorinë e I-rë meshkuj ose Kategorinë e I-rë gr.B femra, në edicionin pararendës.
- 1.6 Federata ruan të drejtën të mos pranojë regjistrimin e një ekipi që nuk plotëson kushtet e parashtruara në nenet 1.3 dhe 1.4.
- 1.7\* Ekipet pjesëmarrëse duhet të zbatojnë Protokollin Udhëzues në kushtet e pandemisë Covid-19 gjatë zhvillimit të ndeshjeve. Çdo pjestarë i ekipit duhet të plotësojë formularin e vetdeklarimit Covid-19.

## **Neni 2 Aktivitetet kryesore të FSHB**

- Kampionati kombëtar Superliga Meshkuj
- Kampionati kombëtar Femra
- Kampionati kategoria I-rë Meshkuj
- Kupa e Shqipërisë Meshkuj e Femra
- Superkupa e Shqipërisë Meshkuj e Femra
- Kupa e Federatës Meshkuj e Femra
- Kampionati kombëtar U20 djem e vajza
- Kampionati kombëtar U18 djem e vajza.
- Kampionati Kombëtar U16 djem e vajza.
- Kupa dhe turne të ndryshme për të gjitha grupmoshat, etj.
- Pjesëmarrja me të gjitha këto struktura në aktivitete ndërkombëtare zyrtare dhe miqësore

## **Neni 3 Organizimi i aktiviteteve**

- 3.1 F.Sh.B.-ja. ruan të drejtën e delegimit të organizimit të një aktiviteti lokal, kombëtar apo ndërkombëtar një anëtar i saj, pas një kërkesë me shkrim nga kërkuesi dhe pasi të ketë shqyrtuar projektin/programin e depozituar për këtë qëllim.
- 3.2 Asnjë anëtar i F.Sh.B.-së nuk mund të organizojë ndonjë aktivitet lokal, kombëtar apo ndërkombëtar pa miratimin dhe delegimin e kësaj të drejte nga F.Sh.B.-ja.  
E drejta e pjesëmarrjes të cilitdo anëtar të FSHB-së në garat e organizuara nga ajo, do t'i mohohet nëse rezulton të ketë detyrime të dokumentuara ndaj FIBA-s, apo ndonjë entiteti tjetër përgjegjës për organizimin e garave ndërkombëtare të basketbollit të njohur nga FIBA.
- 3.3 \*Çdo shoqatë ka të drejtë të pëfaqësohet me jo më shumë se një ekip në secilën grupmoshë (meshkuj/femra të rritur/a, U20 djem, U18 djem/vajza dhe U16 djem/vajza).

## **Neni 4 Sistemi i ndeshjeve**

- 4.1 Superliga meshkuj do të zhvillohet (nëse regjistrohen më shumë se nëntë ekipe) me pjesëmarrjen e gjashtë ekipeve të përcaktuara në përfundim të sezonit sportiv 2020 – 2021, me sistem rrethi, me dy faza (secila me vajtje – ardhje, 20 ditë ndeshjesh) dhe faza e play – off-it (katër ekipet e renditura më mirë në përfundim të fazës së dytë). Ekipi i renditur i pesti ndeshet në play – out me të dytin e Kategorisë së parë. Ekipi i fundit bie në Kategorinë e parë. Nëse regjistrohen nëntë ose më pak ekipe, të gjitha do të marrin pjesë në superligë. Në këtë rast, sistemi i ndeshjeve do të përcaktohet nga Komiteti Drejtues në varësi të numrit të ekipeve pjesëmarrëse.
- 4.2 Kategoria e parë meshkuj do të zhvillohet me pjesëmarrjen e të gjitha ekipeve të regjistruara që nuk kanë fituar të drejtën për të luajtur në Superligë, me sistem rrethi, me vajtje – ardhje (sistemi i ndeshjeve do të përcaktohet nga Komiteti Drejtues, në varësi të numrit të ekipeve pjesëmarrëse) dhe faza e play – out-it (ekipi i renditur i dyti do të ndeshet me ekipin e renditur në vendin e pestë në Superligë). Ekipi i renditur i pari kualifikohet në Superligë.
- 4.3 Kategoria e parë femra gr.A do të zhvillohet me pjesëmarrjen e gjitha ekipeve të regjistruara, me sistem rrethi, me vajtje – ardhje me një fazë (sistemi i ndeshjeve do të përcaktohet nga Komiteti Drejtues, në

- varësi të numrit të ekipeve pjesëmarrëse) dhe faza e play – off-it (katër ekipet e renditura më mirë në përfundim të sezonit të rregullt). Nëse numri i ekipeve do të jetë më i madh se nëntë, do të zhvillohet me pjesëmarrjen e gjashtë ekipeve të renditura më mirë në sezonin 2020 – 2021, me sistem me katër xhiro (120 javë), faza e play – out-it ndërmejt ekipit të renditur i pesti dhe ekipit i renditur i dyti në kategorinë e parë gr.B.
- 4.4 Kategoria e parë femra gr.B do të zhvillohet (nëse regjistrohen më shumë se nëntë ekipe) me pjesëmarrjen e ekipeve të renditura në vendet 7 dhe 8 në sezonin sportiv 2020 – 2021 dhe të gjitha ekipeve të tjera të regjistruara, sistemi i ndeshjeve do të përcaktohet nga Komiteti Drejtues, në varësi të numrit të ekipeve pjesëmarrëse, dhe faza e play – out-it (ekipi i renditur i dyti do të ndeshet me ekipin e renditur në vendin e pestë në Kategorinë e parë gr.A). Ekipi i renditur i pari kualifikohet në Kategorinë e parë gr.A.
- 4.5 Kupa e Shqipërisë Meshkuj dhe Femra do të zhvillohet me pjesëmarrjen e të gjitha ekipeve të regjistruara. Turi eliminator do të zhvillohet me një ndeshje me eliminim. Në fazën me tetë ekipe do të kemi ndarje në dy grupe nga katër ekipe dhe zhvillimin e ndeshjeve me sistem rrethi me një xhiro për secilin grup nga ku do të kualifikohen në fazën Final Four 2-ekipet e renditura më mirë në secilin grup. Ndarja e grupeve do të bëhet me short. Vendi i zhvillimit dhe datat, do të caktohen nga Komiteti Drejtues, pas shqyrtimit të kërkesave për organizim. Caktimi i çifteve 1/2 finaliste do të bëhet me short.
- 4.6 Superkupa e Shqipërisë Meshkuj dhe Femra 2021-22 do të zhvillohet ndërmjet ekipit fitues të Kupës së Shqipërisë 2020-21 dhe ekipit kampion/e të kampionatit kombëtar 2020-21. Vendi i zhvillimit dhe datat, do të caktohen nga Komiteti Drejtues, pas shqyrtimit të kërkesave për organizim.
- 4.7 Kupa e Federatës Meshkuj dhe Femra do të zhvillohet me të gjithë ekipet që do të konfirmojnë pjesëmarrjen sipas formatit të përcaktuar nga KD-ja. Periudha e zhvillimit të Kupës së Federatës do të jetë 20-30 shtator 2021.
- 4.8 Kampionati kombëtar U20 djem, U20 vajza, U18 djem, U18 vajza, U16 djem dhe U16 vajza do të zhvillohet me pjesëmarrjen e të gjitha ekipeve të shoqatave të regjistruara, me sistem vajtje – ardhje me një fazë, me 1/4 finale dhe me Final Four (\*Në rast se do të regjistrohen më shumë se 8 ekipe, atëherë kampionatet do të zhvillohen me ndarje në dy grupe, A dhe B, sipas përcaktimit me short. Në rastin e ndarjes me dy grupe, do të zhvillohet 1/4 finale ndërmjet katër ekipeve të renditura më mirë nga të dy grupet dhe Final Four.)  
Çdo shoqatë ka të drejtë të përfaqësohet me jo më shumë se një ekip.
- 4.9 Turnetë e moshave nën 14 vjeç (U14, U12 djem e vajza, U10 miks), do të zhvillohen me pjesëmarrjen e të gjitha ekipeve të shoqatave të regjistruara, në bashkëpunim apo me delegim me shoqatat/klubet anëtare. Sistemi i ndeshjeve do të përcaktohet për çdo turne, në varësi të kushteve dhe pjesëmarrjes.

## **Neni 5 Regjistrimi**

- 5.1 Një individ mund të zotërojë njëkohësisht më shumë se një licensë, vetëm në qoftë se kryen detyrën e lojtarit dhe trajnerit, brenda të njejtës shoqatë, ose aktivizohet njëkohësisht me ekipin e meshkujve/femrave (të rritur/të rritura) dhe/ose U18 djem/U18 vajza, U16 djem/U16 vajza, kundrejt një pagese 5 fishe për regjistrimin në ekipin e dytë dhe/ose të tretë. Një lojtar mund të regjistrohet në një ekip tjetër të shoqatës, në një kategori më të lartë moshe, pa paguar kuotën shtesë 5 fishe, pasi të jetë ç'regjistruar nga ekipi ku ishte, brenda afateve dhe kundrejt tarifave të përcaktuara në këtë rregullore. Gjyqtarët e fushës, gjyqtarët e tavolinës dhe vëzhguesit, pajisen vetëm me licensën përkatëse. Mjekët, fizioterapistët, mbajtësit e statistikave apo shoqëruesit, lejohen të qëndrojnë në stolin e të gjitha ekipeve të shoqatës, nëse janë në listën e ekipit (në stol lejohen jo më shumë se 18 persona, referuar rregullores së

- FIBA-S). Anëtarët e një shoqate/klubi apo personat e regjistruar nga një shoqatë/klub, pavarësisht pozicionit, mund të pajisen me liçensë, **vetëm** brenda shoqatës/klubit ku aderojnë apo janë regjistruar.
- 5.2 Ekipet që marrin pjesë në një aktivitet të federatës, duhet të plotësojnë formularin e regjistrimit me jo më pak se 10 lojtarë dhe jo më shumë se 18 lojtarë, të paktën një trajner (jo më shumë se 3 trajnerë) dhe jo më shumë se 3 shoqërues të ekipit. Me këtë formular duhet të pajisen të gjitha kategoritë.
- 5.3 Regjistrimi i lojtarëve/**trajnerëve** të ekipeve të meshkujve dhe femrave (të rritur), bëhet në datat **1-17 shtator 2021** (ora 12:00), si dhe në datat **4 – 31 janar 2022** (ndryshime në lista duke shlyer detyrimet financiare sipas nenit 19). Kuota e regjistrimit për çdo lojtar/e pas datës 17 shtator deri më 27 dhjetor 2021 është 10-fishi i shumës së përshkruar në pikën 19.g.  
Regjistrimet për lojtar/e në ekipet femra dhe meshkuj të rritur, lejohen edhe gjatë periudhës **1 – 28 shkurt 2022** (ora 12:00) kundrejt një pagese shtesë 1,000 Euro (krahas detyrimeve financiare që lidhen me transferimin sipas nenit 19).  
**Pas datës 28 shkurt 2022 nuk lejohen regjistrime të lojtarëve.**  
**Kuota e regjistrimit për çdo trajner pas datës 17 shtator deri më 27 dhjetor 2021 dhe pas 31 janar 2022 është 100 euro.**
- 5.4 Regjistrimi i lojtarëve të ekipeve U20/18 djem e vajza bëhet në datat **15-29 tetor 2021 (12:00)**, si dhe në datat **4 – 31 janar 2022 (ora 12:00)**.  
Regjistrimi i lojtarëve të ekipeve U16 djem e vajza bëhet në datat **5-19 nëntor 2021 (12:00)**, si dhe në datat **4 – 31 janar 2022 (ora 12:00)**.
- 5.5 Regjistrimi i lojtarëve të ekipeve U14/12 djem e vajza dhe U10 miks bëhet nga data 1 shtator 2021, deri 7 ditë kalendrike para aktivitetit të parë të sezonit në të cilin do të marrë pjesë ekipi. Për aktivitetet në vijim, do të lejohen regjistrime lojtarësh, kundrejt shumës së parashikuar në nenin 19.f.
- 5.6 Krahas formularit të regjistrimit, çdo ekip duhet të paraqesi, kartelat mjekësore individuale të sportistëve të lëshuara nga organet e specializuara shëndetësore sportive dhe siguracionin e specifikuar sportiv individual të lëshuar nga shoqëritë e sigurimeve.
- 5.7 Lojtarët, trajnerët, personat që shoqerojnë ekipin, pasqyrohen me foton përkatëse në listën e federimit të miratuar nga F.Sh.B. Personat që nuk janë të pasqyruar në listë **nuk kanë të drejtë** të hyjnë në dhomën e ndërrimit të ekipit dhe/ose të qëndrojnë në stolin e rezervave gjatë ndeshjes. Çdo ekip është i detyruar të ketë me vete në çdo ndeshje, listën e federimit të miratuar nga F.Sh.B. Në listën e federimit do të përfshihet dhe shefi i delegacionit të ekipit i cili do të paraqitet në formularin e regjistrimit të dorëzuar nga titullari i shoqatës përkatëse.  
Trajnerët regjistrohen në ekipet pjesëmarrëse sipas kategorisë të liçencës përkatëse, në përputhje me programin e liçensimit të trajnerëve të miratuar më datë 22.09.2016.

## **Neni 6 Kontratat, levizja e lojtareve dhe trajnerëve**

- 6.1 Anëtarët e F.Sh.B-së **mund** të lidhin kontrata me të gjithë lojtarët mbi 18 vjeç dhe trajnerët e tyre. Kontratat bëhen në tre kopje, një për shoqatën, një për lojtarin apo trajnerin dhe një depozitohet në F.Sh.B. Kontrata mund të lidhin edhe lojtarët nën 18-vjeç nëpërmjet prindërve apo kujdestarit ligjor dhe menaxherit (nqs ka).
- 6.2 Në rast se mes shoqatës dhe lojtarit/trajnerit nuk nënshkruhet kontratë, shoqata duhet të depozitojë në F.Sh.B., një deklaratë zyrtare, ku pranon se lojtarët/trajnerët, në mungesë të kontratës, janë të lirë të

- largohen kur të dëshirojnë për tu regjistruar me ekipet e shoqatave të tjera. Kjo deklaratë duhet të përfshijë listën e të gjithë lojtarëve/trajnerëve pa kontratë (n.q.s. ka).
- 6.3 Kontrata konsiderohet e vlefshme vetëm në rastet kur ajo bëhet sipas kërkesave ligjore në prezencën e noterit (jo verifikim apo vërtetim nënshkrimi).
- 6.4 Kur ka mosmarrëveshje përsa i përket zbatimit të kontratës midis shoqatës/klubit dhe lojtarit/trajnerit, F.Sh.B.-ja njihet vetëm ato detyrime që janë të shkruara në kontratën e depozituar pranë F.Sh.B.-së.
- 6.5 Pas përfundimit të kontratës lojtari/trajneri konsiderohet i lirë dhe mund të transferohet në çdo shoqatë/klub tjetër, sipas dëshirës.
- 6.6 Gjatë kohës nën kontratë me një shoqatë/klub, lejohet kalimi i lojtarit/trajnerit në një shoqatë tjetër me leje kalimi (huamarrje) që depozitohet edhe në F.Sh.B. Në përfundim të afatit, lojtari/trajneri është i detyruar të kthehet në shoqatën e mëparshme (huadhënës) deri në përfundimin e kontratës.
- 6.7 Për çdo transferim të një lojtari nga një shoqatë anëtare në një tjetër, gjatë kohës sëqë është nën kontratë, paguhet në F.Sh.B. një taksë transferimi (sipas nenit 19). Kjo taksë është e detyrueshme edhe në rastet kur kontrata priset ose përfundon si dhe kur nuk është nënshkruar kontratë.
- 6.8 Kontrata bëhet për një periudhë jo më pak se deri në përfundim të sezonit sportiv në vijim. Në rast se një lojtar/trajner mbush moshën 18 vjeç ose i përfundon kontrata pasi ka filluar sezoni sportiv, shoqata mund të nënshkruajë me lojtarin/trajnerin një kontratë e cila duhet të zgjasë të paktën deri në fund të sezonit sportiv në vijim. Në rast të kundërt, shoqata/klubi duhet të lëshojë për këtë lojtar/trajner deklaratën e përmendur në nenin 6.2.
- 6.9 Lojtarët nën 18 vjeç (pa kontratë) mund të lëvizin nga një shoqatë/klub anëtar në tjetrin kundrejt një detyrimi financiar, duke bërë ndryshime në listën e regjistrimit. Për këtë kalim, paguhet në F.Sh.B një taksë transferimi (shiko nenin 19).
- 6.10 Për transferimet e lojtarëve shqiptarë në klube të huaja dhe lojtarëve të huaj në klube shqiptare zbatohet Rregullorja e FIBA.  
Për transferimin e lojtarëve të huaj në klube shqiptare, zbatohen tarifat e parashikuara në nenin 19.1. Bazuar në shkresën dt.10.09.2019, Nr.92 prot. Për dy lojtarët e parë të huaj të regjistruar, detyrimi (LOC - 250 CHF) do të përfshihet sipas nenit 19.1. Për çdo lojtarë të huaj të regjistruar mbi numrin dy, do të paguhet dhe 500 CHF krahas shumës së përcaktuar në nenin 19.
- 6.11 Për lojtarët/trajnerët e huaj që regjistrohen në Shqipëri, kontrata është e detyrueshme. Ajo duhet të jetë e hartuar në dy gjuhë, shqip (për F.Sh.B.-në dhe shoqatën) dhe anglisht ose gjuhën e lojtarit/trajnerit të regjistruar (për lojtarin/trajnerin).
- 6.12 Në rast se një lojtar/trajner nënshkruan njëkohësisht dy kontrata apo nënshkruan një kontratë të re, afati i të cilës nis përpara përfundimit të kontratës ekzistuese, pezullohet deri në zgjidhjen e mosmarrëveshjes mes palëve të përfshira.

## **Neni 7 Moshë e lojtarëve, saktësimi i moshës limit**

- 7.1 F.Sh.B.-ja zhvillon aktivitete për kategoritë e moshave, të rinj/reja, para të rinj/reja, U14 djem e vajza, minibasket djem e vajza dhe U10 Mix.
- 7.2 Moshë limit për regjistrimin e lojtarëve në ekipe përcaktohet si më poshtë:
- |                      |                |
|----------------------|----------------|
| a – U20 djem         | - deri 20 vjeç |
| b – U18 djem e vajza | - deri 18 vjeç |
| c – U16 djem e vajza | - deri 16 vjeç |
| ç – U14 djem e vajza | - deri 14 vjeç |
| d – U12 djem e vajza | - deri 12 vjeç |



- e – U10 miks - deri 10 vjeç
- 7.3 Viti i lindjes që korrespondon me limitin e moshës së çdo grupi, përcaktohet mbështetur në vitin në të cilin përfundon aktiviteti (viti kalendarik – moshja e lejuar = viti i lindjes së lejuar). Konkretisht, për sezonin sportiv 2020 – 2021, regjistrimi i lojtarëve me ekipet e moshave do të lejohet si më poshtë:
- |                         |                  |  |
|-------------------------|------------------|--|
| a – U20 djem, U20 vajza | 2022 – 20 = 2002 | lindur në datë 1 janar <b>2002</b> ose më vonë |
| b – U18 djem, U18 vajza | 2022 – 18 = 2004 | lindur në datë 1 janar <b>2004</b> ose më vonë |
| c – U16 djem, U16 vajza | 2022 – 16 = 2006 | lindur në datë 1 janar <b>2006</b> ose më vonë |
| ç – U14 djem, U14 vajza | 2022 – 14 = 2008 | lindur në datë 1 janar <b>2008</b> ose më vonë |
| d – U12 djem, U12 vajza | 2022 – 12 = 2010 | lindur në datë 1 janar <b>2010</b> ose më vonë |
| e – U10 (miks)          | 2022 – 10 = 2012 | lindur në datë 1 janar <b>2012</b> ose më vonë |

### **Neni 8 Hedhja e shortit**

- 8.1 Në parim, hedhja e shortit të çdo aktiviteti, bëhet në zyrat e F.Sh.B.-së dhe në prezencën e përfaqësuesve të anëtarëve pjesëmarrës.
- 8.2 Data dhe vendi i tërheqjes së shortit u komunikohet pjesëmarrësve, nga F.Sh.B.-ja. Mënyrat e tërheqjes së shortit deklarohen nga F.Sh.B.

### **Neni 9 Orari i ndeshjeve**

- 9.1 F.Sh.B.-ja cakton orarin e ndeshjeve, i cili është i zbatueshëm për të gjitha ekipet.
- 9.2 Kërkesa për ndryshimin e orarit dhe/ose datës së ndeshjes duhet t'i paraqitet F.Sh.B.-së 7 ditë përpara datës së fiksuar. Që kërkesa të pranohet, duhet një kërkesë me shkrim nga anëtari që kërkon ndryshimin, një konfirmim me shkrim nga kundërshtari që është dakord, si dhe pagesa në F.Sh.B. e një shume 500 lekë (për ndryshimin e orarit) ose 1,000 lekë (për ndryshimin e datës). Çdo kërkesë që nuk do të vijë në kohë dhe nuk do të shoqerohet me pagesën përkatëse, nuk do të pranohet, me përjashtim të rasteve të forcës madhore, për të cilat vendos F.Sh.B.
- 9.3 F.Sh.B. është i vetmi organ që ka tagrin për të ndryshuar datën dhe/ose orën e ndeshjeve. Për çdo vonesë në orarin e fillimit të ndeshjeve, F.Sh.B. mban qëndrimin përkatës në përputhje me rregulloren.

### **Neni 10 Detyrat e shoqatave pjesëmarrëse në aktivitete**

- 10.1 Anëtarët që marrin pjesë në një aktivitet të federatës, duhet të respektojnë dispozitat e kësaj rregulloreje. Çdo shoqatë/klub është përgjegjës për sjelljen e lojtarëve, zyrtarëve, antarëve, tifozëve, përkatës si dhe për sjelljen e çdo personi tjetër që ushtron ndonjë funksion në emër të shoqatës/klubit gjatë ndonjë ndeshje zyrtare.
- 10.2 Çdo shoqatë/klub organizator i ndeshjes, duhet të sigurojë zbatimin e protokollit Covid-19, të miratuar nga FSHB, FIBA dhe autoritetet përkatëse shtetërore.
- 10.3 F.Sh.B.-ja është i vetmi organ kompetent, që ka të drejtën legjitime, të miratojë ose jo zhvillimin e ndeshjeve në një sallë apo pallat sporti. Miratimi i vendit të zhvillimit të ndeshjeve do të bëhet nga F.Sh.B.-ja, 15 ditë përpara fillimit të aktivitetit, pasi të jetë bërë kontrolli i sallave të deklaruara nga anëtarët pjesëmarrës, të cilat duhet të plotësojnë kushtet e përshkruara në rregulloren zyrtare të lojës (përmasat,



- pajisjet, ndriçimi, dhomat e zhveshjes, etj). Edhe pas miratimit të zhvillimit të ndeshjeve, shoqata organizatore duhet të garantojë mirëmbajtjen e ambienteve dhe mirëfunksionimin e pajisjeve. Mungesa ose mosfunksionimi siç duhet i pajisjeve apo ndriçimi i pamjaftueshëm, që çon në zhvillim jo normal të ndeshjes, gjobitet me 5,000 lekë. Në rast se kjo shkakton moszhvillimin e ndeshjes, ekipi e humbet ndeshjen aforfe dhe gjobitet me 100,000 lekë.
- 10.4 Të gjithë anëtarët, duhet të sigurojnë prezencën e forcave të ruajtjes së sigurisë (me uniformë), në numër të mjaftueshëm për të garantuar zhvillimin normal të aktivitetit (ndeshjes). Në rast se ndeshja nuk do të fillojë për shkak të mungesës apo numrit të pamjaftueshëm të tyre, dhe vonesa e fillimit të lojës është 15 – 30 minuta, anëtari organizator dënohet me 5,000 lekë gjobë. Në rast përsëritjeje, gjoba dyfishohet. Në rast vonese mbi 30 minuta, ndeshja nuk zhvillohet, ekipi e humbet ndeshjen aforfe dhe gjobitet me 100,000 lekë. Për aktivitetet e organizuara nga F.Sh.B.-ja, sigurimi i prezencës së forcave të rendit publik bëhet nga ajo.
- 10.5 Çdo shoqatë/klub duhet të sigurojë dhe të mbajë në gjendje funksionale 2 (dy) uniforma të ndryshme, një për ndeshjet në shtëpi (uniforma me ngjyre të hapur) dhe tjetrën për ndeshjet në transfertë (uniforma me ngjyrë të mbyllur). Këto duhet t'i deklarojë përpara fillimit të sezonit. Asnjë nga uniformat nuk duhet të jetë e ngjashme si ngjyrë ose model me uniformat e zyrtarëve të ndeshjes.
- 10.6 Anëtari organizator, është përgjegjës për sigurimin e sallës së zhvillimit të ndeshjes (e miratuar nga F.Sh.B.), pritjen dhe përcjelljen e ekipit udhëtues, gjyqtarëve, vëzhguesve dhe të deleguarve të F.Sh.B.-së. Ai është përgjegjës për sigurimin e strehimit të tyre, në rastet kur ata e kërkojnë një gjë të tillë, kundrejt pagesës.
- 10.7 Anëtari pritës, organizator i aktivitetit (ndeshjes), është i detyruar të sigurojë mbajtjen elektronike të statistikave të të gjitha ndeshjeve të **Meshkujve dhe Femrave** (të rritur, të rritura). Këto statistika mbahen vetëm me programin e përcaktuar nga F.Sh.B.-ja (**FIBA Live Stats**). **Statistikat duhet të mbahen LIVE nëpërmjet kodeve të mundësuar nga FSHB.** Menjëherë pas përfundimit të ndeshjes (jo më vonë se një orë), personi i autorizuar nga shoqata për mbajtjen e statistikave (i certifikuar nga F.Sh.B.-ja), dërgon elektronikisht në F.Sh.B. materialin përkatës. Në rast se statistikave të ndeshjes nuk mbahen, mbahen në mënyrë të parregullt apo nuk dërgohen saktësisht pranë F.Sh.B.-së, shoqata organizatore gjobitet me 5,000 lekë.
- N.q.s. skuadra udhëtuese kërkon të ketë një video të ndeshjes, atëherë ka të drejtën të regjistrojë zhvillimin e ndeshjes ku merr pjesë në audio dhe video dhe është i detyruar të përdorë materialin vetëm për qëllime të analizave sportive brenda klubit, dhe/ose për prova materiale për çështje të trajtuara pranë komisioneve juridike, **pa të drejtë transmetimi online ose në kanale televizive.**
- Krahas statistikave, duhet të dërgojë të paktën deri në 5 foto nga ndeshja respektive, në adresën [info.fshb@gmail.com](mailto:info.fshb@gmail.com), brenda 2 orësh nga përfundimi i ndeshjes, për pasqyrim në faqen zyrtare të F.Sh.B.-së. Në rast se fotot nuk dërgohen, shoqata/klubi organizator gjobitet me 5,000 lekë.
- Anëtari pritës, duhet të bëjë prezantimin e ekipeve pjemsarrëse në ndeshje, gjyqtarëve dhe vëzhguesit të emëruar për këtë qëllim, si edhe të garantojë ekzekutimin e himnit kombëtar, përpara fillimit të ndeshjes (pas prezantimit). Në rast se prezantimi nuk kryhet dhe/ose himni kombëtar nuk ekzekutohet, shoqata/klubi organizator gjobitet me 5,000 lekë.
- 10.8 Anëtari pritës, organizator i aktivitetit (ndeshjes), është i detyruar që të vendosë në pjesën e dukshme të tavolinës së gjyqtarisë së ndeshjes, logon e F.Sh.B.-së dhe të sponsorëve të saj, në të kundërt gjobitet me 5,000 lekë. Në rast përsëritjeje, gjoba dyfishohet. Në rast ripërsëritjeje, gjobitet me 20,000 lekë dhe pezullohet zhvillimi i ndeshjeve në sallën në fjalë, deri në zbatimin e këtij rregulli.

- 10.9 Anëtarët që organizojnë ndeshjet duhet të sigurojnë për ekipin udhëtues, gjyqtarët e lojes dhe vëzhguesin nga një ambient të përshtatshëm zhveshje. Mosvënia në dispozicion e dhomave të zhveshjes në kohën e duhur apo vënia në dispozicion e ambienteve të pa përshtatshme, gjëmbet me 5,000 lekë.
- 10.10 Shoqata/klubi organizator duhet të vërë në dispozicion të ekipit mik pesë topa, të cilët do të përdoren për nxemje. Mos sigurimi i pesë topave për nxemje ekipit udhëtues 30 minuta para fillimit të lojës, gjëmbet me 5,000 lekë.
- 10.11 Shoqata organizatore duhet të sigurojë vendet e mjaftueshme në tribunën VIP për zyrtarët e F.Sh.B.-së që kanë njoftuar prezencën.
- 10.12 Nëse mbrapa stolave të ekipeve ka shkallë për spektatorët, duhet të vendosen ndarje mbrojtëse (me strehë) për stolat e ekipeve dhe gjyqtarinë e tavolinës. Nëse ato mungojnë, ekipi gjëmbet me 5,000 lekë.
- 10.13 Shoqata organizatore duhet të ketë në gadishmëri para, gjatë dhe pas zhvillimit të ndeshjes dhomën antidoping.
- 10.14 Shoqata organizatore duhet të ketë në gadishmëri gjatë gjithë kohës së zhvillimit të ndeshjes, të paktën dy persona me detyrë fshirjen e parketit sa herë që gjyqtarët ta kërkojnë një gjë të tillë. Në të kundërt, gjëmbet me 5,000 lekë.  
Vlerësimin për mosrespektimin e kriterëve të më sipërme e bën vëzhguesi ose në mungesë të tij, gjyqtari i parë.
- 10.15 Çdo ekip do të përballojë shpenzimet e udhëtimit dhe qëndrimit të tij.
- 10.16 Çdo ekip duhet të sigurojë vetë asistencën mjekësore. Mjeku ose fizioterapisti duhet të jetë i pajisur me liçensën përkatëse.
- 10.17 Organizatori është i detyruar që për ekipin mik, të sigurojë deri 10 ftesa të cilat do t'i dorëzohen 48 orë para fillimit të ndeshjes apo me arritjen e ekipit në vendin e zhvillimit të ndeshjes.  
Organizatori është i detyruar, që për të gjitha ndeshjet e basketbollit, të cilat organizohen në Republikën e Shqipërisë, që në kërkesë me shkrim të FSHB-së, të sigurojë 10 ulëse në vendin qëndror (hapsirën e caktuar VIP) dhe 15 ulëse në hapësirat e tjera, të caktuara për miqtë, anëtarët e Bordit dhe Sponsorizuesit e Ligave të FSHB-së.  
Presidentit të FSHB-së, i takon ulësja qëndrore, në vendin qëndror të caktuar për personat VIP.  
Organizatori është i detyruar, që në kërkesë me shkrim të ekipit mik dhe pas dhënies së pëlqimit me shkrim nga FSHB, 48 orë para fillimit të ndeshjes, të sigurojë deri në 15 % bileta (nga totali i sallës) për shikuesit e saj. FSHB mund të japë pëlqimin e saj ose jo, pas konsultimit me organet e sigurisë. Shoqata që bën kërkesën, mban përgjegjësinë për shikuesit e vet, dhe i nënshtrohen sanksioneve, sikurse edhe vendasi, për mos respektimin e rregullave të garës.
- 10.18 Vendi pritës duhet të sigurojë regjistrimin e ndeshjes në video të paktën me një kamer të vendosur widescreen duke filmuar të gjithë fushën e lojës dhe me pamje të stolave të ekipeve në ndeshje. Format i regjistruar në mp4 në cilësinë minimale me rezolucion Full HD:1080 HDTV (1080i, 1080p) me dimensioned 1920 x 1080 px. Teknikalitetet shtesë vihen në dispozicion nëpërmjet njoftimit në email-in zyrtarë të shoqatës.
- 10.19 Anëtari pritës, organizator i aktivitetit (ndeshjes) në kategorinë **U18 djem**, krahas mbajtjes së Protokollit zyrtarë, është i detyruar të sigurojë dhe mbajtjen e Protokollit dixhital në të gjitha ndeshjet sipas aplikacionit InGame ofruar nga kompania NBN23. Teknikalitetet shtesë vihen në dispozicion nëpërmjet njoftimit në email-in zyrtarë të shoqatës dhe klinkave të organizuara përpara fillimit të kampionatit.

**Shënim:** Ekipi i shoqatës organizatore, nuk do të lejohet të marrë pjesë në aktivitetet e mbetura të sezonit sportiv në vijim, deri në shlyerjen e detyrimit. Ekipet e tjera të shoqatës nuk do të penalizohen deri në përfundim të sezonit sportiv. Pas përfundimit të sezonit sportiv, nëse detyrimi nuk është shlyer, asnjë ekip i shoqatës nuk do të regjistrohet për të marrë pjesë në aktivitetet e sezonit pasardhës, nëse më parë nuk shlyhet ky detyrim.

### **Neni 11 Komisioni i disiplinës, protestat dhe ankesat**

- 11.1 F.Sh.B.-ja është kompetente për të vendosur të gjitha sanksionet ndaj një shoqate, ekipi, trajneri, zv/trajneri dhe/ose gjithë personave që bëjnë pjesë në një grup, në rast se shkelen rregullorja zyrtare e lojës dhe rregullorja e F.Sh.B.-së. Komisioni i disiplinës ka për detyrë të shqyrtojë disiplinën e lojtarëve, trajnerëve, ekipeve dhe gjithë personave që marrin pjesë në të gjitha aktivitetet zyrtare të F.Sh.B.-së. Sanksionet disiplinore që jepen nga F.Sh.B.-ja nuk përjashtojnë sanksionet që mund të jepen nga vetë shoqata ndaj ekipit, lojtarit, trajnerit, zv/trajnerit dhe gjithë personave të tjerë shoqëruar të ekipit.
- 11.2 Në të gjitha rastet, protestat, ankesat dhe apelimet, ashtu si edhe pagesa e tyre, duhet të adresohen në F.Sh.B.. Nëse nuk merren parasysh, shuma e paguar nuk kthehet, nëse merren parasysh, shuma e paguar kthehet plotësisht.
- 11.3 N.q.s. një ekip mendon se, si rezultat i vendimeve të gjyqtarëve, janë prekur interesat e tij, ai ka të drejtë të protestojë për rezultatin e ndeshjes. Menjëherë pas përfundimit të ndeshjes, kapiteni i ekipit në fjalë, lajmëron gjyqtarët e lojës dhe vëzhguesin se ekipi i tij do të paraqesë një protestë dhe për këtë nënshkruan në vëndin e caktuar për protestat në protokollin e ndeshjes. Për këtë protestë, vëzhguesi vë në dijeni menjëherë përfaqësuesit e ekipit kundërshtar.
- 11.4 Deri në 30 minuta pas përfundimit të ndeshjes, përfaqësuesi i ekipit i paraqet vëzhguesit (në mungesë të tij gjyqtarit të parë) protestën me shkrim.
- 11.5 Vëzhguesi dhe gjyqtarët e lojës do të bëjnë një raport të hollësishëm për përshkrimin e incidenteve për të cilat bëhet fjalë në protestë deri në një orë pas përfundimit të ndeshjes.
- 11.6 Që protesta të shqyrtohet nga komisioni i disiplinës së F.Sh.B.-së, duhet të shoqërohet me një pagesë 5,000 lekë
- 11.7 **Vendimi i komisionit të disiplinës është në fuqi deri në momentin kur të ketë një vendim tjetër nga një organ më i lartë.**
- 11.8 Kundër vendimit të komisionit të disiplinës, mund të apelohe brenda 5 ditëve nga marrja e vendimit. Apeli duhet të adresohet në F.Sh.B. dhe duhet të jetë i shoqëruar me vërtetimin e pagesës së shumës 10,000 në arkën e F.Sh.B.-së. Një kopje e kërkesës së apelit i dërgohet ekipit kundërshtar.

## **Neni 12 Paraqitja dhe sjellja e ekipeve në fushë dhe gjatë ceremonive të shpalljes së fituesve, vonesat në fillimin e lojës.**

- 12.1 Ekipi që, për çdo arsye, nuk do të paraqitet në një ndeshje, duhet të njoftojë urgjentisht F.Sh.B.-në si dhe ekipin tjetër, për mos paraqitje. Në rast se ekipi tjetër ose gjyqtarët janë nisur për udhëtim, anëtari organizator do të paguajë shpenzimet e udhëtimit dhe qëndrimit (nëse ka).
- 12.3 Nëse një ekip arrin me vonesë në fushën e lojës për arsye jashtë vullnetit të tij, pasi ka njoftuar më parë për vonesën dhe kur është bërë ç'është e mundur që të arrihet në kohën e duhur, gjyqtari i parë duhet të zhvillojë ndeshjen duke relatuar për këtë fakt. Komisioni i disiplinës, në bazë të relacioneve të ardhura, do të vendosë për homologimin e rezultatit, anulimin e riluajtjen e ndeshjes apo humbjen aforfe të saj.
- 12.4 Kur një ekip paraqitet në fushë me më pak se 5 lojtarë, ai nuk mund të fillojë ndeshjen dhe do ta humbasë atë aforfe.
- 12.5 Uniformat e lojës së ekipeve, duhet të kenë të vendosur në pjesën e përparme majtas, logon e F.Sh.B.-së dhe në pjesën e pasme mbi numër, mbiemrin e lojtarit. Paraqitja e lojtarëve të ekipit me uniforma jo në përputhje me rregulloren, gjobitet me 5,000 lekë. Nëse kjo bëhet shkak për zhvillim jo normal të ndeshjes, gjobitet me 20,000 lekë.
- 12.6 Kur një ekip paraqitet në fushën e lojës me më shumë se 15 minuta vonesë, pa shkaqe të arësyeshme dhe/ose pa lajmëruar për vonesën, gjobitet me 10,000 lekë. Nëse vonesa zgjat më shumë se 30 minuta, humbet ndeshjen aforfe, do të paguajë shpenzimet e udhëtimit dhe qëndrimit të gjyqtarëve dhe ekipit mik (nëse ka) dhe gjobitet me 100,000,lekë.
- 12.7 Në rast se një ekip nuk pranon të luajë apo largohet nga fusha e lojës në mënyrë demonstrative, e humbet ndeshjen aforfe dhe gjobitet me 500,000 lekë.
- 12.8 Në rast se një ekip qëndron në fushë pasiv, duke lejuar kundërshtarin të shënojë apo duke mos tentuar të sulmojë edhe pasi është këshilluar nga gjyqtarët, këta të fundit e ndërpresin ndeshjen dhe ekipi shkaktar i kësaj situate e humbet ndeshjen aforfe dhe gjobitet me 100,000 lekë.
- 12.9 Në rast se në përfundim të një ndeshje, do të zhvillohet ceremoni për shpalljen e fituesit të aktivitetit, ekipet janë të detyruara të marrin pjesë në të. Mosrespektimi i këtij rregulli (pjesëmarrja në ceremoni) gjobitet me 100,000 lekë.

## **Neni 13 Sanksionet ndaj ekipeve, sjelljet jo sportive të publikut**

- 13.1 Në rast se një ekip meshkujsh ose femrash (të rritur) humbet dy ndeshje aforfe, përjashtohet nga aktiviteti, gjobitet me 500,000 lekë dhe sezonin e ardhshëm luan një kategori më poshtë.
- 13.2 Në rast se një ekip U20 djem, të rinjsh ose të rejash (U18) humbet dy ndeshje aforfe, përjashtohet nga aktiviteti, gjobitet me 100,000 lekë.
- 13.3 Në rast se një ekip i moshave nën 16 vjeç (U16, U14, U12, U10) humbet dy ndeshje aforfe, përjashtohet nga aktiviteti, gjobitet me 30,000 lekë.
- 13.4 Kur një ekip meshkujsh ose femrash (të rritur) ka konfirmuar pjesëmarrjen në një aktivitet të F.Sh.B.-së dhe pas hedhjes së shortit por përpara fillimit të aktivitetit, tërhiqet, dënohet me 200,000 lekë gjobë. Nëse

- tërhiqet pas fillimit të aktivitetit, gjobitet me 500,000 lekë, përjashtohet nga të gjitha aktivitetet e sezonit dhe sezonin e ardhshëm luan një kategori më poshtë.
- 13.5 Kur një ekip U20 djem, të rinjsh ose të rejash (U18) ka konfirmuar pjesëmarrjen në një aktivitet të F.Sh.B-së dhe pas hedhjes së shortit por përpara fillimit të aktivitetit, tërhiqet, dënohet me 50,000 lekë gjobë. Nëse tërhiqet pas fillimit të aktivitetit, gjobitet me 100,000 lekë dhe përjashtohet nga të gjitha aktivitetet e sezonit.
- 13.6 Kur një ekip i moshave nën 16 vjeç (U16, U14, U12, U10) ka konfirmuar pjesëmarrjen në një aktivitet të F.Sh.B-së dhe pas hedhjes së shortit por përpara fillimit të aktivitetit, tërhiqet, dënohet me 5,000 lekë gjobë. Nëse tërhiqet pas fillimit të aktivitetit, gjobitet me 20,000 lekë dhe përjashtohet nga të gjitha aktivitetet e sezonit.
- 13.7 Paraqitja në fushën e lojës e lojtarëve, trajnerëve, etj me mbishkrime në uniforma apo veshje të tjera, me përmbajtje fyese apo raciste, nëse konstatohet si veprim individual, gjobitet me 100,000 lekë dhe një vit mosaktivizim. Nëse përgjegjës për këtë veprim janë drejtuesit e shoqatës, shoqata gjobitet me 500,000 lekë.
- 13.8 Sanksionet ndaj organizatorëve të ndeshjes për sjelljet josportive të publikut:
- Hedhje e përsëritur e objekteve të parrezikshme në fushën e lojës, para, gjatë ose pas ndeshjes (pa u larguar ekipet dhe gjyqtarët), në një ndeshje të organizuar nga një shoqatë anëtare:  
10,000 lekë
  - Përdorimi i mjeteve tymuese që shkaktojnë ndërprerjen e përkohëshme të ndeshjes, në një ndeshje të organizuar nga një shoqatë anëtare:  
10,000 lekë
  - Përdorimi i mjeteve tymuese që çon në mosvijimin apo mosnisen e ndeshjes, në një ndeshje të organizuar nga një shoqatë anëtare:  
Humbje e ndeshjes aforfe, dy ndeshje pa spektatorë, 50,000 lekë  
Në rast përsëritje, zbatohen pikat 13.1, 13.2, 13.3
  - Hedhje e objekteve të rrezikshme në fushën e lojës, para, gjatë ose pas ndeshjes (pa u larguar ekipet dhe gjyqtarët), në një ndeshje të organizuar nga një shoqatë anëtare:  
30,000 lekë  
Në rast përsëritje, 50,000 lekë  
Në rast ripërsëritje, tre ndeshje pa spektatorë dhe 100,000 lekë
  - Hedhje e objekteve të rrezikshme në fushën e lojës që shkakton ndërprerjen e ndeshjes, në një ndeshje të organizuar nga një shoqatë anëtare:  
50,000 lekë  
Në rast përsëritje, 100,000 lekë  
Në rast ripërsëritje, tre ndeshje pa spektatorë dhe 150,000 lekë
  - Hedhje e objekteve të rrezikshme në fushën e lojës që çon në mosvijimin apo mosnisen e ndeshjes, në një ndeshje të organizuar nga një shoqatë anëtare:  
Humbje e ndeshjes aforfe, dy ndeshje pa spektatorë, 50,000 lekë

Në rast përsëritje, zbatohen pikat 13.1, 13.2, 13.3

- e. Hedhje e objekteve të rrezikshme në fushën e lojës që shkakton dëmtime të pjesëtarëve të ekipeve (lojtar, trajner, etj) apo personave në detyrë (gjyqtarë, vëzhgues, gjyqtarë tavoline, etj para, gjatë ose pas ndeshjes, në një ndeshje të organizuar nga një shoqatë anëtare:  
Dy ndeshje pa spektatorë, 100,000 lekë  
Në rast përsëritje, 200,000 lekë  
Në rast ripërsëritje, tre ndeshje pa spektatorë dhe 200,000 lekë
- ë. Hedhje e objekteve të rrezikshme në fushën e lojës që shkakton dëmtime të pjesëtarëve të ekipeve (lojtar, trajner, etj) apo personave në detyrë (gjyqtarë, vëzhgues, gjyqtarë tavoline, etj dhe çon në mosvijimin apo mosnisen e ndeshjes, në një ndeshje të organizuar nga një shoqatë anëtare:  
Humbje e ndeshjes aforfe, dy ndeshje pa spektatorë, 100,000 lekë  
Në rast përsëritje, zbatohen pikat 13.1, 13.2, 13.3
- f. Hyrja e spektatorëve në fushën e lojës para, gjatë ose pas ndeshjes (pa u larguar ekipet dhe gjyqtarët), në një ndeshje të organizuar nga një shoqatë anëtare:  
10,000 lekë
- g. Hyrja e spektatorëve në fushën e lojës që çon në ndërprerjen e ndeshjes, në një ndeshje të organizuar nga një shoqatë anëtare:  
50,000 lekë  
Në rast përsëritje, 100,000 lekë  
Në rast ripërsëritje, tre ndeshje pa spektatorë dhe 150,000 lekë
- gj. Hyrja e spektatorëve në fushën e lojës që çon në mosvijimin apo mosnisen e ndeshjes, në një ndeshje të organizuar nga një shoqatë anëtare:  
Humbje e ndeshjes aforfe, dy ndeshje pa spektatorë, 50,000 lekë  
Në rast përsëritje, zbatohen pikat 13.1, 13.2, 13.3
- h. Ushtrim dhune i spektatorëve ndaj pjesëtarëve të ekipeve (lojtar, trajner, etj) apo personave në detyrë (gjyqtarë, vëzhgues, gjyqtarë tavoline, etj) para, gjatë ose pas ndeshjes, në një ndeshje të organizuar nga një shoqatë anëtare:  
100,000 lekë  
Në rast përsëritje, 200,000 lekë  
Në rast ripërsëritje, tre ndeshje pa spektatorë dhe 300,000 lekë
- i. Ushtrim dhune i spektatorëve ndaj pjesëtarëve të ekipeve (lojtar, trajner, etj) apo personave në detyrë (gjyqtarë, vëzhgues, gjyqtarë tavoline, etj) që çon në ndërprerjen e ndeshjes, në një ndeshje të organizuar nga një shoqatë anëtare:  
150,000 lekë  
Në rast përsëritje, 250,000 lekë  
Në rast ripërsëritje, tre ndeshje pa spektatorë dhe 350,000 lekë



- j. Ushtrim dhune i spektatorëve ndaj pjesëtarëve të ekipeve (lojtar, trajner, etj) apo personave në detyrë (gjyqtarë, vëzhgues, gjyqtarë tavoline, etj) që çon në mosvijimin apo mosnismen e ndeshjes, në një ndeshje të organizuar nga një shoqatë anëtare:

Humbje e ndeshjes aforfe, dy ndeshje pa spektatorë, 200,000 lekë

Në rast përsëritje, zbatohen pikat 13.1, 13.2, 13.3

**Shënim:** Deklaratat e anëtareve të Komitetit Drejtues, për të gjitha problemet e ndodhura në ndeshjet e basketbollit, quhen të mirëqëna dhe do të merren parasysh nga komisioni i disiplinës. Ekipi i gjobitur për një shkelje të caktuar, nuk do të lejohet të marrë pjesë në aktivitetet e mbetura të sezonit sportiv në vijim, deri në shlyerjen e detyrimit. Ekipet e tjera të shoqatës nuk do të penalizohen deri në përfundim të sezonit sportiv. Pas përfundimit të sezonit sportiv, nëse detyrimi nuk është shlyer, asnjë ekip i shoqatës nuk do të regjistrohet për të marrë pjesë në aktivitetet e sezonit pasardhës, nëse më parë nuk shlyhet ky detyrim.

#### **Neni 14 Dënimet për sjelljet josportive të lojtarëve, trajnerëve, personave të tjerë që qëndrojnë në stol apo personave drejtues të shoqatës.**

14.1	Gabim teknik i lojtarit:	2,000 lekë
14.2	Gabim perjashtimi i lojtarit:	3,000 lekë
14.3	Gabim teknik i trajnerit ose stollit:	4,000 lekë
14.4	Gabim perjashtimi i trajnerit ose stollit:	5,000 lekë
<b>Shënim:</b> Gabimet teknike të dhëna ndaj personave që qëndrojnë në stol i ngarkohen trajnerit, masa e dënimit është 4,000 lekë.		
14.5	Reagimi i lojtarit me sjellje josportive pas dënimit me gabim perjashtimi:	6,000 lekë
14.6	Reagimi i trajnerit me sjellje josportive pas dënimit me gabim perjashtimi:	8,000 lekë
14.7	Sjellje josportive e lojtarit ndaj shikuesve të ndeshjes:	15,000 lekë
14.8	Sjellje josportive e trajnerit ndaj shikuesve të ndeshjes:	20,000 lekë
14.9	Sjellje josportive e lojtarëve, trajnerëve apo personave të tjerë që qëndrojnë në stol (fyerje, kërcënime, etj) të cilat nuk janë ndëshkuar nga gjyqtaret gjatë ndeshjes si edhe pas përfundimit të saj, por paraqiten nga vëzhguesi:	10,000 lekë



- 14.10 Deklaratat fyese të personave drejtues të shoqatave, trajnerëve, lojtarëve apo personave të tjerë që qëndrojnë në stol, të cilat dëmtojnë imazhin e FSHB-së, të bëra publikisht në media apo rrjete sociale:  
10,000 lekë
- 14.11 Pjesëmarrja në ndeshje e trajnerit nën ndikimin e alkoolit si dhe lejimi i pjesëmarrjes në ndeshje apo qëndrimit në stol të lojtarëve dhe personave të tjerë nën ndikimin e alkoolit:  
30,000 lekë
- 14.12 Paraqitja në ambientet e zhvillimit të ndeshjes e personave drejtues të shoqatës nën ndikimin e alkoolit:  
30,000 lekë
- 14.13 Tentativa për sulm fizik i lojtarit ndaj kundërshtarëve (lojtar, trajner, etj), spektatorëve apo pjesëtarëve të ekipit të tij, para, gjatë ose pas ndeshjes:  
30,000 lekë
- 14.14 Tentativa për sulm fizik i lojtarit ndaj personave në detyrë (gjyqtarë, vëzhgues, gjyqtarë tavoline, etj), para, gjatë ose pas ndeshjes:  
50,000 lekë
- 14.15 Tentativa për sulm fizik i trajnerit, personave të tjerë që qëndrojnë në stol apo personave drejtues të shoqatës ndaj kundërshtarëve (lojtar, trajner, etj), spektatorëve apo pjesëtarëve të ekipit të tij, para, gjatë ose pas ndeshjes:  
40,000 lekë
- 14.16 Tentativa për sulm fizik i trajnerit, personave të tjerë që qëndrojnë në stol apo personave drejtues të shoqatës, ndaj personave në detyrë (gjyqtarë, vëzhgues, gjyqtarë tavoline, etj), para, gjatë ose pas ndeshjes:  
60,000 lekë
- 14.17 Realizimi i sulmit fizik i lojtarit ndaj kundërshtarëve (lojtar, trajner, etj), spektatorëve apo pjesëtarëve të ekipit të tij, para, gjatë ose pas ndeshjes, pa pasoja për shëndetin e viktimës:  
Përjashtim 6 muaj nga aktivitetet dhe 50,000 lekë
- 14.18 Realizimi i sulmit fizik i lojtarit ndaj personave në detyrë (gjyqtarë, vëzhgues, gjyqtarë tavoline, etj), para, gjatë ose pas ndeshjes, pa pasoja për shëndetin e viktimës:  
Përjashtim 6 muaj nga aktivitetet dhe 60,000 lekë
- 14.19 Realizimi i sulmit fizik i trajnerit, personave të tjerë që qëndrojnë në stol apo personave drejtues të shoqatës ndaj kundërshtarëve (lojtar, trajner, etj), spektatorëve apo pjesëtarëve të ekipit të tij, para, gjatë ose pas ndeshjes, pa pasoja për shëndetin e viktimës:  
Përjashtim 6 muaj nga aktivitetet dhe 70,000 lekë

- 14.20 Realizimi i sulmit fizik i trajnerit, personave të tjerë që qëndrojnë në stol apo personave drejtues të shoqatës, ndaj personave në detyrë (gjyqtarë, vëzhgues, gjyqtarë tavoline, etj), para, gjatë ose pas ndeshjes, pa pasoja për shëndetin e viktimës:  
Përgjashtim 1 vit nga aktivitetet dhe 80,000 lekë
- 14.21 Realizimi i sulmit fizik i lojtarit ndaj kundërshtarëve (lojtar, trajner, etj), spektatorëve apo pjesëtarëve të ekipit të tij, para, gjatë ose pas ndeshjes, me pasoja jo të rënda për shëndetin e viktimës:  
Përgjashtim 1 vit nga aktivitetet dhe 100,000 lekë
- 14.22 Realizimi i sulmit fizik i lojtarit ndaj personave në detyrë (gjyqtarë, vëzhgues, gjyqtarë tavoline, etj), para, gjatë ose pas ndeshjes, me pasoja jo të rënda për shëndetin e viktimës:  
Përgjashtim 1 vit nga aktivitetet dhe 150,000 lekë
- 14.23 Realizimi i sulmit fizik i trajnerit, personave të tjerë që qëndrojnë në stol apo personave drejtues të shoqatës ndaj kundërshtarëve (lojtar, trajner, etj), spektatorëve apo pjesëtarëve të ekipit të tij, para, gjatë ose pas ndeshjes, me pasoja jo të rënda për shëndetin e viktimës:  
Përgjashtim 1 vit nga aktivitetet dhe 150,000 lekë
- 14.24 Realizimi i sulmit fizik i trajnerit, personave të tjerë që qëndrojnë në stol apo personave drejtues të shoqatës, ndaj personave në detyrë (gjyqtarë, vëzhgues, gjyqtarë tavoline, etj), para, gjatë ose pas ndeshjes, me pasoja jo të rënda për shëndetin e viktimës:  
Përgjashtim 1 vit nga aktivitetet dhe 200,000 lekë
- 14.25 Realizimi i sulmit fizik i çdo personi ndaj cilitdo personi tjetër, me pasoja të rënda për shëndetin e viktimës:  
Përgjashtim përgjithmonë nga aktivitetet
- 14.26 Sjellja jo sportive e lojtarit të ekipit përfaqësues (kur ekipi është i grumbulluar) ndaj lojtarëve të tjerë, stafit të ekipit, zyrtarëve të F.Sh.B.-së apo personave të tjerë të përfshirë në përgatitjet dhe aktivitetin e ekipit (fyerje ofendime, etj):  
30,000 lekë  
Në rast përsëritje, përgjashtim nga ekipi, 60,000 lekë
- 14.27 Braktisja e ekipit përfaqësues nga lojtari apo trajneri (largimi nga ekipi) pa arsye bindëse:  
Përgjashtim përgjithmonë nga ekipi kombëtar, 100,000 lekë

**Shënim:** Personi i penalizuar, pavarësisht kategorisë ku ai merr pjesë (të rritur/a apo moshat) nuk do të lejohet të aktivizohet deri në shlyerjen e detyrimit financiar dhe masës disiplinore. Pas përfundimit të sezonit sportiv, detyrimet financiare të pa shlyera do të njihen si detyrime të shoqatës dhe duhen shlyer nga shoqata përpara fillimit të sezonit të ardhshëm. Njëkohësisht, personi i penalizuar nuk do të regjistrohet për të marrë pjesë në aktivitete deri në shlyerjen e detyrimeve financiare (prej tij apo në emër të tij) dhe përfundimit të sanksionit disiplinor. Për lojtarët e ekipeve U14, sanksionet financiare aplikohen në masën 50%. Për lojtarët e ekipeve U12 dhe U10 nuk zbatohen sanksione financiare por vetëm disiplinore.

## **Neni 15 Gjyqtarët e lojës**

Përpara fillimit të sezonit përkatës, FSHB do të hartojë dhe do të shpallë listën e gjyqtarëve që plotësojnë kushtet për t'u emëruar si arbitra të ndeshjeve të ardhshme të kampionatit.

FSHB ka të drejtën të heqë nga lista, emrin e çdo zyrtari ndeshjeje, në çdo kohë gjatë zhvillimit të sezonit.

FSHB do të emërojë zyrtarët e ndeshjes të cilët do të gjykojnë çdo ndeshje zyrtare.

Kur e shikon të arsyeshme, FSHB ka të drejtë të ndryshojë emërimin e zyrtarëve të ndeshjes.

Asnjë zyrtar ndeshjeje, i emëruar për gjykimin e ndonjë ndeshjeje zyrtare, nuk duhet të ndërmarrë ndonjë veprimtari tjetër, në ditën e ndeshjes, pa marrë më parë miratimin me shkrim nga FSHB.

- 15.1 Një gjyqtar nuk mund të aktivizohet për të drejtuar ndeshje të aktiviteteve të F.Sh.B.-së n.q.s, nuk arrin të kalojë testin teorik dhe fizik.
- 15.2 Një gjyqtar nuk mund të aktivizohet për të drejtuar një ndeshje të aktiviteteve të F.Sh.B.-së pa paraqitur kartelën mjekësore dhe siguracionin sportiv.
- 15.3 Një gjyqtar i caktuar në një ndeshje zyrtare përfaqëson në fushë F.Sh.B.-në. Ai është përgjegjës për zbatimin e rregullores zyrtare të lojës. Nëse paraqitet në ndeshje me uniformë jo të rregullt (konform rregullores) dënohet me dy javë mos aktivizim.
- 15.4 Gjyqtari duhet të paraqitet në ambientet ku do të zhvillohet ndeshja një ora para fillimit të saj. N.q.s. një gjyqtar ka lajmëruar ardhjen e tij me vonesë, ai merr funksionet e tij që në ndalesën e parë të lojës. Paraqitja me vonesë në ndeshje, pa shkaqe të arsyeshme dhe/ose pa njoftuar, dënohet me një muaj mos aktivizim. Mos paraqitja në ndeshje, pa shkaqe të arsyeshme dhe pa lajmëruar, dënohet me një vit mos aktivizim.
- 15.5 Gjyqtari duhet të bashkëpunojë me organizatorët për të siguruar një zhvillim normal të ndeshjes. N.q.s. vëzhguesi nuk është prezent përpara fillimit të ndeshjes, gjyqtari duhet të kontrollojë liçensat dhe listën e lejuar të lojtarëve. Gjyqtari i parë, në bashkëpunim me vëzhguesin (nëse ka), duhet të mos lejojë qëndrimin në stol të personave të pa liçensuar, në të kundërt dënohet me 2 javë mos aktivizim.
- 15.6 N.q.s. një gjyqtar do të bëjë një raport mbi zhvillimin e ndeshjes, ai duhet ta bëjë atë menjëherë pas ndeshjes dhe ta dërgojë deri të nesërmen e ditës së zhvillimit të ndeshjes në zyrat e F.Sh.B.-së. Gjyqtari duhet të sigurohet që protokollin është plotësuar krejtësisht, në rregull dhe në 3 kopje, origjinali për federatën, kopja e dytë për skuadrën fituese, kopja e tretë për humbësve. Mosdorëzimi në kohë i materialeve të ndeshjes si dhe plotësimi i pasaktë i protokollit dënohet me dy javë mos aktivizim.
- 15.7 Kryerja e detyrave nga gjyqtarët jo siç duhet dhe me përgjegjshmëri, duke manifestuar sjellje jo sportive dhe mospërfillje ndaj detyrave, dënohet me gjashtë muaj mos aktivizim.
- 15.8 Nëse konstatohet se gjyqtari ka konsumuar alkool, dënohet me një vit mos aktivizim.
- 15.9 Nëse konstatohet se gjyqtari gjykon dobët në ndeshje, dënohet me dy muaj aktivizim në kategori më të ulëta.
- 15.10 Nëse konstatohet shkelje të rregullores zyrtare të lojës që çojnë në përsëritjen e ndeshjes, dënohet me një vit mos aktivizim.
- 15.11 Nëse konstatohet se gjyqtari, qëllimisht, ndikon në rezultatin e ndeshjes, duke e paralajmëruar për mos aktivizim në ndeshje të kategorisë që ai gjykon, dhe duke e ulur për të gjykuar në kategoritë më poshtë.
- 15.12 Në rast përsëritje të pikës 15.11 atëherë ai përjashtohet përgjithmonë nga aktivitetet e F.Sh.B.-së.

- 15.13 N.q.s. një gjyqtar humbet të drejtën për të gjykuar si rezultat i testimit, ai mund ta rifitojë këtë të drejtë vetëm pasi të riestohet teorikisht e fizikisht.

## **Neni 16 Vëzhguesi**

- 16.1 Vëzhguesi emërohet nga komisioni përkatës i federatës, për të siguruar zhvillimin e mirë të aktiviteteve të F.Sh.B.-së. Një vëzhgues nuk mund të aktivizohet n.q.s, nuk arrin të kalojë testin teorik.
- 16.2 Vëzhgues zgjidhen ata persona, që kanë integritet moral dhe profesional . Ata duhet të kenë njohje të mjaftueshme të rregullores zyrtare të lojës, statutit dhe rregulloreve të brendshme të F.Sh.B.-së. Vëzhguesit e ndeshjes, janë përgjegjës për zbatimin e kësaj rregulloreje dhe dokumenteve të tjera operationale, të vendosura në zbatim nga FSHB. Nëse paraqitet në ndeshje me veshje jo të rregullt (i detyrueshëm kostum) dënohet me dy javë mos aktivizim.
- Çdo zyrtar ndeshje duhet të njohë dhe të përmbushë detyrimet dhe përgjegjësitë e tij duke nënshkruar një deklaratë ku merr përsipër zbatimin e përcaktimeve të:
- a) Rregullat e Lojës;
  - b) Rregullat e Federatës Shqiptare të Basketbollit;
  - c) Deklarimin me vërtetësi dhe në mënyrë të paanshme të të gjitha shkeljeve të përcaktimeve të kësaj rregulloreje, dhe të Kodit të Disiplinës Sportive, për të cilat zyrtari përkatës, konstaton personalisht gjatë ndeshjeve zyrtare ose verifikon gjatë këqyrjes së materialeve audio-video, të ndeshjeve ku ka marrë pjesë; Vëzhguesi duhet të mbërrijë në ambientet e ndeshjes 60 minuta përpara orarit të fillimit të ndeshjes. Me të mbërritur në ambientet ku zhvillohet ndeshja, vëzhguesi kontrollon ambientet për skuadrën udhëtuese dhe zyrtarët e ndeshjes. Ai gjithashtu kontrollon uniformat e lojës, nëse janë në përputhje me kushtet e përcaktuara në rregullore, për të shmangur precedentët që mund të lindin, në rast ngjashmërie, ose ngatërrese të ngjyrës për ndeshje në shtëpi/jashtë. Ai kontakton me skuadrën udhëtuese dhe informohet nqs çdo gjë është në rregull apo nëse ka ndonjë problem (të cilin duhet ta raportojë në raport, nëse ka patur).
- 16.3 Në rast se një vëzhgues nuk kryen detyrën e ngarkuar në mënyrë të rregullt, në përputhje me statutin dhe rregulloret, atij mund t'i hiqet titulli i vëzhguesit, me vendim të Sekretarit të Përgjithshëm.
- 16.4 Vëzhguesi duhet të asistojë në ndeshjen për të cilën ai ka marrë emerim. Ai duhet të paraqitet në ambientet ku do të zhvillohet ndeshja një ora para fillimit të saj. Paraqitja me vonesë në ndeshje, pa shkaqe të arësyeshme dhe/ose pa njoftuar, dënohet me një muaj mos aktivizim. Mos paraqitja në ndeshje, pa shkaqe të arësyeshme dhe pa lajmëruar, dënohet me një vit mos aktivizim.
- 16.5 Vëzhguesi do të marrë të gjitha masat e nevojshme për të siguruar një zhvillim normal të ndeshjes. Ai duhet të vëzhgojë që ndeshja zhvillohet në përputhje me rregulloren zyrtare të lojës dhe rregulloret e F.Sh.B.-së. Për këtë qëllim, ai siguron bashkëpunim të plotë me gjyqtarët, gjyqtarinë e tavolinës, organizatorët dhe drejtuesit e ekipeve që marrin pjesë në këtë aktivitet. Në veçanti, ai duhet të insistojë tek organizatorët që forcat e ruajtjes së rendit, të jenë në numër të mjaftueshëm për të siguruar një zhvillim normal të ndeshjes. Vëzhguesi, në bashkëpunim me gjyqtarin e parë, duhet të mos lejojë qëndrimin në stol të personave të pa licencuar, në të kundërt dënohet me 2 javë mos aktivizim.
- Vëzhguesit e ndeshjes, të cilët nuk deklarojnë me vërtetësi dhe në mënyrë të paanshme shkeljet e verifikuara gjatë ndeshjeve ku marrin pjesë, ose neglizhojnë duke mos i deklaruar shkeljet që kanë konstatuar personalisht, do të sanksionohen me gjobë, më një vlerë jo më pak se 10,000 (dhjetë mijë) lekë, dhe pezullim nga pjesëmarrja në ndeshje, për një periudhë jo më pak se 3 (tre) muaj, për

kundërvajtjen e parë, dhe do të sanksionohen me gjobë më një vlerë jo më pak se 50,000 (pesëdhjetë mijë) lekë, dhe pezullim nga pjesëmarrja në ndeshje për një periudhë jo më pak se 1 (një) vit, për kundërvajtjen e përsëritur.

Gjatë zhvillimit të ndeshjeve zyrtare, ku marrin pjesë si të emëruar, vëzhguesit e ndeshjes janë të detyruar të mbajnë me vete nga një kopje të kësaj rregulloreje, dhe të Kodit të Disiplinës Sportive të FSHB-së.

16.6 Në rast të mungesës së një gjyqtari, vëzhguesi prezanton njërin gjyqtar, deri sa të mbërrijë kolegu i tij ose ai vazhdon të gjykojë ndeshjen i vetëm. N.q.s. vëzhguesi cakton një gjyqtar zëvendësues, ky gjyqtar zotëron të gjitha të drejtat e një gjyqtari të emëruar nga F.Sh.B.-ja.

16.7 Vëzhguesi është veçanërisht, përgjegjës për funksionimin e mirë të gjyqtarisë së tavolinës. Në fund të ndeshjes, ai harton një raport mbi zhvillimin e ndeshjes dhe bashkë me protokollin e ndeshjes, e dërgon, menjëherë në zyrat e F.Sh.B.-së.

Vëzhguesi i ndeshjes, duhet të plotësojë raportin e ndeshjes, jo më vonë se 24 (njëzet e katër) orë pas përfundimit të ndeshjes përkatëse, duke dhënë informacion si më poshtë:

- rreth kushteve të ambjenteve të vëna në dispozicion për zyrtarët e ndeshjes dhe skuadren mike;
- rreth mbërritjes me vonesë të ndonjërit nga arbitrat e ndeshjes duke dhënë arsyet përkatëse;
- rreth gjendjes dhe kushteve të fushës së lojës, aparaturave dhe mbatjes së statistikave.
- nqs ndeshja fillon me vonesë, të informojë për arsytet e shkakimit të vonesës për fillimin e ndeshjes përkatëse;
- rreth masave ndëshkimore të vendosura ndaj lojtarëve gjatë zhvillimit të ndeshjes (nqs ka patur);
- rreth zëvendësimit të arbitrit të ndeshjes nga ndonjë arbitër tjetër dhe shpjegimi për nevojën e kryerjes së këtij zëvendësimi;
- rreth shkeljes së përcaktimeve të kësaj rregulloreje nga ndonjë shoqatë/klub, lojtar, zyrtar, manaxher, apo zyrtarët e tjerë të ndeshjes;

16.8 \*Vëzhguesi duhet të raportojë mbi zbatimin e masave anti covid-19, në funksion të protokollit të miratuar nga FSHB: <https://fshb.basketball/ep-content/uploads/2021/02/FSHB-Protokolli-udhezues-per-rifillimin-e-aktivitetit-basketbollistik.pdf>

\*Vëzhguesi duhet të kontrollojë të dy ekipet pjesëmarrëse në ndeshje, para hyrjes së tyre në sallën sportive, për temperaturën e secilit prej pjesëtarëve të ekipeve, si dhe të gjyqtarëve.

\*Në rast se Vëzhguesi konstaton se ka persona me temperaturë mbi 37.3°, atëherë ndalon qëndrimin e tyre në sallën sportive ku do të zhvillohet ndeshja. Nëse një ekip rezulton me më shumë se dy lojtarë me temperaturë mbi 37.3°, atëherë ndeshja duhet të anulohet dhe të raportohet mbi rastin në fjalë. Në këto raste, ndeshja do të zhvillohet në një moment të dytë, sipas udhëzimit nga FSHB.

\*Në rast se Vëzhguesi konstaton se dy gjyqtarë të fushës janë me temperaturë mbi 37.3°, atëherë ndeshja duhet të anulohet dhe do të zhvillohet në një moment të dytë, sipas udhëzimit nga FSHB.

\*Nëse Vëzhguesi konstaton që nuk janë plotësuar masat anti covid-19 nga ekipi organizator i ndeshjes, sipas protokollit udhëzues, atëherë ndeshja duhet të anulohet dhe ekipi pritës e humbet ndeshjen afrofe. Në këto raste, Vëzhguesi duhet të mbajë një procesverbal me përfaqësuesit e dy ekipeve.

16.9 Vëzhguesi është përgjegjës për dërgimin e protokollit të ndeshjes, raportin e tij dhe protestave eventuale në F.Sh.B. brenda 48 orëve nga përfundimi i ndeshjes. Ai, menjëherë pas përfundimit të ndeshjes, duhet të dërgojë rezultatin e ndeshjes dhe ndonjë përkrahje për rastet e veçanta, personit të caktuar nga F.Sh.B.-ja për këtë qëllim. Moszbatimi i këtij rregulli, dënohet me dy javë mos aktivizim. Vëzhguesit e ndeshjes janë të detyruar të raportojnë pranë organeve juridike të FSHB-së, çdo shkelje të Kodit të Disiplinës Sportive, ose të kësaj rregulloreje, që ata verifikojnë ose janë dëshmitarë para ndeshjes, gjatë ndeshjes, dhe pas ndeshjes përkatëse ku janë emëruar si zyrtarë të ndeshjes.

- 16.10 Kur një lojtar, trajner, drejtues i ekipit apo çdo person tjetër i lidhur me ndeshjen, kryen një shkelje që mund të dënohet, vëzhguesi duhet të bëjë një raport me shkrim drejtuar F.Sh.B.-së pas përfundimit të ndeshjes.  
Mospërmbushja e përgjegjësive të përcaktuara këtu në këtë Nen nga ana e zyrtarëve të ndeshjes, nuk i jep të drejtën ndonjë klubi, lojtari apo kujtdo personi tjetër, që të shkelë detyrimet apo të mos përmbushë përgjegjësitë individuale të përcaktuara këtu në këtë rregullore.
- 16.11 Nëse konstatohet kryerja e detyrave nga vëzhguesi jo siç duhet dhe me përgjegjshmëri, duke manifestuar sjellje jo sportive dhe mospërfillje ndaj detyrave, dënohet me gjashtë muaj mos aktivizim.
- 16.12 Mosparaqitja e fakteve të ndeshjes ashtu siç kanë ndodhur në të vërtetë, dënohet me gjashtë muaj mos aktivizim.
- 16.13 Nëse konstatohet se vëzhguesi ka konsumuar alkool, dënohet me një vit mos aktivizim.
- 16.14 Nëse konstatohet shkelje të rregullores zyrtare të lojës që çojnë në përsëritjen e ndeshjes, dënohet me një (1) vit mos aktivizim.
- 16.15 N.q.s. një vëzhgues humbet të drejtën për të vëzhguar si rezultat i testimit, ai mund ta rifitojë këtë të drejtë vetëm pasi të ristetohet.
- 16.16 Në rast se në ndeshje nuk është caktuar ndonjë vëzhgues, këtë detyrë e kryen gjyqtari i parë.

### **Neni 17 Gjyqtaria e tavolinës**

- 17.1 Gjyqtarët e tavolinës (sekretari, kronometrishi, mbajtësi i 24 sekondave dhe pikëshënuesi) emërohen nga anëtari organizator. Këta duhet të jenë kompetentë dhe të punojnë pa anësi. Ata duhet të paraqiten në vendin e zhvillimit të ndeshjes të paktën 30 min para fillimit të saj. Anëtari organizator është përgjegjës për punën e mirë të gjyqtarisë së tavolinës. Mos sigurimi i gjyqtarisë së tavolinës, gjobitet me 5,000 lekë. Mos sigurimi i gjyqtarisë së tavolinës, që çon në moszhvillimin e ndeshjes, gjobitet me 100,000 lekë dhe humbjen e ndeshjes aforfe.
- 17.2 Gjyqtarë tavoline kanë të drejtë të jenë vetëm ata persona të cilët kanë kaluar testimin përkatës të organizuar nga F.Sh.B.-ja dhe janë pajisur me liçensën përkatëse.
- 17.3 Emrat e gjyqtarëve, vëzhguesit dhe gjyqtarëve të tavolinës duhet të figurojnë në protokoll.
- 17.4 N.q.s. anëtari organizator nuk arrin të sigurojë gjyqtarinë e tavolinës për ndeshjen që organizon, vëzhguesi dhe gjyqtarët duhet të bëjnë të pamundurën për zhvillimin e ndeshjes duke relatuar për këtë problem. Anëtari organizator i ndeshjes i nënshtrohet sanksioneve financiare.
- 17.5 Nëse me gjithë përpjekjet ndeshja nuk zhvillohet, krahas sanksionit financiar për mospërfundimin e gjyqtarisë së tavolinës, anëtari organizator humbet ndeshjen aforfe, duke ju nënshtuar edhe sanksioneve financiare e disiplinore që lidhen me moszhvillimin e ndeshjes.

### **NENI 18 Protokoll i ndeshjes**

- 18.1 Protokollin e ndeshjes është ai i miratuar nga F.Sh.B.-ja. Plotësimi i tij bëhet mbështetur në rregulloren zyrtare të lojës.
- 18.2 Protokollin e ndeshjes duhet të mbahet në 3 (tre) kopje, kopja e parë për F.Sh.B.-në, kopja e dytë për fituesin dhe kopja e tretë për ekipin humbës.
- 18.3 Një lojtar që nuk është regjistruar në protokoll, nuk mund të marrë pjesë në ndeshje.
- 18.4 Vetëm rezultati i pasqyruar në protokoll njihet si rezultat zyrtar i ndeshjes.



- 18.5 Protokollet e ndeshjeve sigurohen nga F.Sh.B.-ja. Ato ju shpërndahen shoqatave sipas nevojës, me kërkesën e tyre. Në mungesë të protokollit ndeshja nuk zhvillohet dhe ekipi pritës humbet ndeshjen aforfe.
- 18.6 Për kampionatin kombëtar U18 djem në edicionin 2021-22 krahas mbatjes së Protokollit të ndeshjes zyrtare, do të aplikohet dhe projekti pilot për mbatjen e protokollit dixhital nëpërmjet aplikacionit InGame App i ofruar nga kompania NBN23.

### **Neni 19 Dispozitat financiare**

- a. Kuotizacioni vjetor i anëtarësimit në F.Sh.B. për anëtarët: 3,000 lekë
- b. Kuota e pjesëmarrjes në aktivitetet e F.Sh.B-së për çdo ekip të meshkujve, Superligë (përfshi regjistrimin e 18 lojtarëve dhe 2 trajnerëve) deri në datën 17 shtator 2021, ora 12:00: 200,000 lekë
- c. Kuota e pjesëmarrjes në aktivitetet e F.Sh.B-së për çdo ekip të femrave, Kategoria e parë gr.A (përfshi regjistrimin e 18 lojtarëve dhe 2 trajnerëve) deri në datën 17 shtator 2021, ora 12:00: 130,000 lekë
- ç. Kuota e pjesëmarrjes në aktivitetet e F.Sh.B-së për çdo ekip të meshkujve, Kategoria e parë (përfshi regjistrimin e 18 lojtareve dhe 2 trajnerëve deri në datën 17 shtator 2021, ora 12:00: 130,000 lekë
- d. Kuota e pjesëmarrjes në aktivitetet e F.Sh.B-së për çdo ekip të femrave, Kategoria e parë gr.B (përfshi regjistrimin e 18 lojtareve dhe 2 trajnerëve) deri në datën 17 shtator 2021, ora 12:00: 80,000 lekë
- dh. Kuota e regjistrimit për çdo ekip U20 djem: 50.000 lekë  
 \*Kuota e regjistrimit për çdo ekip U20 vajza: 0 lekë
- e. Kuota e regjistrimit për çdo ekip U18 djem: 100,000 lekë  
 \*Kuota e regjistrimit për çdo ekip U18 vajza: 50.000 lekë
- ë. Kuota e regjistrimit për çdo ekip U16 djem: 100,000 lekë



\*Kuota e regjistrimit për çdo ekip U16 vajza:

30.000 lekë

f. Kuota e regjistrimit për çdo ekip të moshave nën 14 vjeç, (përfshi regjistrimin e 18 lojtarëve dhe 2 trajnerëve), brenda afatit të përcaktuar:

3,000 lekë

**Shënim:** Kuota e pjesëmarrjes në aktivitete për ekipet e moshave nën 14 vjeç, do të përcaktohet për çdo aktivitet të veçantë, përpara fillimit të tij.

g. Kuota e regjistrimit për çdo lojtar mbi numrin 18 (zëvendësim, brenda afatit të përcaktuar), apo gjatë muajit janar 2021 dhe trajner mbi numrin 2:

- për ekipet e meshkujve, Superligë 2,000 lekë
- për ekipet e femrave, Kategoria e parë 1,500 lekë
- për ekipet e meshkujve, Kategoria e parë 1,500 lekë
- për ekipet e femrave, Kategoria e dytë 1,200 lekë
- për ekipet e moshave nën 20 dhe 18 vjeç djem 1,000 lekë
- për ekipet e moshave nën 18 vjeç vajza 800 lekë
- për ekipet e moshave nën 16 vjeç djem dhe vajza 500 lekë

gj. Kuota e regjistrimit për çdo lojtar apo trajner pas datës 17 shtator deri më 27 dhjetor 2021 është 10-fishi i shumës së përshkruar në pikën f. Kuota e regjistrimit me një ekip të dytë dhe/ose të tretë për çdo lojtar, brenda afateve të përcaktuara në këtë rregullore, do të jetë 5 fishi i shumës së përshkruar në pikën f (nëse regjistrimi kryhet brenda afatit të regjistrimit të ekipit, apo gjatë muajit mars 2021).

h. Kuota e regjistrimit për çdo lojtar, gjatë periudhës 1 – 28 shkurt 2022, krahas detyrimit në pikën j (për lojtarët vendas) apo l (për lojtarët e huaj) vetëm për meshkuj e femra (të rritur):

1,000 euro

i. Kuota e regjistrimit për shoqërues ekipi, mjek, fizioterapist, gjyqtar, gjyqtar tavoline, vëzhgues:

1,500 lekë

j. Taksa e transferimit të lojtarëve nga një shoqatë në një tjetër, në mungesë të kontratës, ose pas përfundimit të saj:

- për transferimet në ekipet e meshkujve, Superligë 30,000 lekë
- për transferimet në ekipet e femrave, Kategoria e parë gr.A 20,000 lekë
- për transferimet në ekipet e meshkujve, Kategoria e parë 20,000 lekë
- për transferimet në ekipet e femrave, Kategoria e parë gr.B 10,000 lekë
- për transferimet në ekipet U20 dhe U18 djem 3,000 lekë
- për transferimet në ekipet U18 vajza 2,500 lekë
- për transferimet në ekipet e moshave nën 16 vjeç 2,000 lekë

- k. Taksa e transferimit të lojtarëve vendas nga një shoqatë në një tjetër, gjatë periudhës së kontratës është 10% e shumës së transferimit, por jo më pak se shuma e parashikuar në pikën I për kategorinë përkatëse.
- l. Taksa e transferimit të lojtarëve të huaj nga një federatë e huaj në Shqipëri, ose nga një shoqatë anëtare në një tjetër:
- për transferimet në ekipet e meshkujve, Superligë 600 euro
  - për transferimet në ekipet e femrave, Kategoria e parë 500 euro
  - për transferimet në ekipet e meshkujve, Kategoria e parë 400 euro
  - për transferimet në ekipet e moshave nën 20 dhe 18 vjeç, djem 350 euro
  - për transferimet në ekipet e moshave nën 18 vjeç, vajza 200 euro
- ll. Taksa e transferimit të lojtarëve të huaj nga një shoqatë në një tjetër, gjatë periudhës së kontratës është 10% e shumës së transferimit, por jo më pak se shuma e parashikuar në pikën II për kategorinë përkatëse.
- m. Taksa e ri-regjistrimit të lojtarëve të huaj, në ekipet e të njëjtës shoqatë, krahas detyrimeve të përshkuara në pikat b – gj:
- për ri-regjistrimit në ekipet e meshkujve, Superligë 300 euro
  - për ri-regjistrimit në ekipet e femrave, Kategoria e parë 200 euro
  - për ri-regjistrimit në ekipet e meshkujve, Kategoria e parë 200 euro
  - për ri-regjistrimit në ekipet e femrave, Kategoria e dytë 200 euro
  - për ri-regjistrimit në ekipet e moshave nën 18 vjeç, djem 200 euro
  - për ri-regjistrimit në ekipet e moshave nën 18 vjeç, vajza 200 euro
- n. Taksa e transferimit të lojtarëve shqiptarë nga federatat e huaja në Shqipëri do të jetë si në pikën i.
- nj. Tarifa e gjyqimit, gjyqtarëve të tavolinës dhe vëzhguesve për ndeshjet e aktiviteteve të ndryshme të organizuara nga F.Sh.B.-ja:
- Vëzhguesit 5,000 lekë
  - Gjyqtarët :
    - Meshkuj të rritur - Superligë 9,000 lekë
    - Meshkuj të rritur – Kategoria I-rë 7,000 lekë
    - Femra të rritura 7,000 lekë
    - U20/18 djem dhe vajza 3,000 lekë
    - U16 djem, U16 vajza 1,500 lekë
    - U16 djem, U16 vajza me grumbullim 800 lekë
    - U14 djem, U14 vajza 1,000 lekë
    - U14 djem, U14 vajza me grumbullim 500 lekë
    - U12 djem, U12 vajza, U10 miks me grumbullim 400 lekë

- Gjyqtaria e tavolinës (ndeshjet e organizuara nga F.Sh.B.-ja)
  - Meshkuj, femra (të rritur) 1,000 lekë
  - U20/18 djem, U18 vajza 500 lekë
  - U16 djem, U16 vajza 400 lekë
  - U16 djem, U16 vajza me grumbullim 200 lekë
  - U14 djem, U14 vajza 300 lekë
  - U14 djem, U14 vajza me grumbullim 200 lekë
  - U12 djem, U12 vajza, U10 miks me grumbullim 100 lekë

o. Shpërblimi për fituesit e trofeve të F.Sh.B.-së:

- Kampion Kombëtar Meshkuj (të rritur) 400,000 lekë
- Kampion Kombëtar Femra (të rritura) 400,000 lekë
- Fitues i Kategorisë I-rë Meshkuj 200,000 lekë
- Fitues i Kupës së Shqipërisë Meshkuj (të rritur) 200,000 lekë
- Fitues i Kupës së Shqipërisë Femra (të rritura) 200,000 lekë
- Fitues i Superkupës së Shqipërisë meshkuj/femra (të rritur/a) 100,000 lekë
- Kampion Kombëtar U20 Djem 100,000 lekë
- Kampion Kombëtar U18 Djem 100,000 lekë
- Kampion Kombëtar U18 Vajza 100,000 lekë
- Kampion Kombëtar U16 Djem 100,000 lekë
- Kampion Kombëtar U16 Vajza 50,000 lekë

## **Neni 20 Anti-Doping**

Çdo klub duhet të mbajë në funksionim një dhomë për kryerjen e kontrollit ose analizave anti-doping, e cila duhet të ndodhet pranë dhomave të zhveshjes së lojtarëve dhe dhomës së zyrtarëve të ndeshjes. Dhoma e kontrollit anti-doping nuk duhet të jetë e hapur për gazetarët, median, dhe publikun.

- Lojtari që nuk pranon të kryejë kontrollin anti-doping, (konsiderohet sikur të ketë marrë substanca të ndaluara) dhe pezullohet nga ndeshjet për një periudhë nga 6 (gjashtë) muaj deri në 2 (dy) vjet, si dhe dënohet me gjobë me një vlerë prej 200,000 (njëqind mijë) lekë dhe të paguajë të gjitha shpenzimet e analizave.
- Lista e substancave të ndaluara është e publikuar në **WADA 2021**.
- Lojtari/ja që do të testohet mund të njoftohet 12 orë përpara ndeshjes, deri në 4 orë pas përfundimit të saj.
- Në rastet kur një shoqatë/klub, ngre dyshime për ndonjë lojtar/e, duhet të depozitojë në FSHB një letër me shkrim, ku përshkruan me fakte, situatën për të cilën dyshon (është Federata ajo që do të miratojë ose jo kërkesën, në varësi të fakteve të vëna në dispozicion). Shoqata që ka bërë kërkesën, do të mbulojë shpenzimet financiare nëse nuk konfirmohet si i vërtetë pretendimi i ngritur, në rast të kundërt shoqatës/klubit ku lojtari rezulton pozitiv, i ngarkohen shpenzimet dhe penalitetet që rrjedhin për këtë qëllim.
- Në rastet kur FSHB kërkon të realizojë testet, ajo do të mbulojë shpenzimet financiare të testimit.

## **Neni 21**

Të gjitha rastet që nuk parashikohen në këtë rregullore, rregulloren e FIBA Europe apo rregulloren zyrtare të lojës (FIBA), do të zgjidhen nga F.Sh.B.-ja. Në të gjitha rastet kur afatet, nuk janë plotësisht të detajuara (datë dhe orë), merren në konsideratë ditët dhe orët kur zyra është e hapur (orari zyrtar).

## **Neni 22 Dispozita kalimtare**

Kjo rregullore, hyn në fuqi me fillimin e sezonit të ri sportiv 2021 – 2022. Me hyrjen në fuqi të saj, rregulloret e mëparshme shfuqizohen.